



PORTAVÓS VI GOVERNUN KONSTITUSIONÁL



KOMUNIKADU BA MEDIA

Díli, Loron 14 fulan-dezemburu tinan 2016

Governu felisita Liurai foun Tailândia nian

Gabinete Primeiru-Ministru hetan informasaun ofisiál husi Reál Embaixada Tailandez nian iha Dili, iha semana liubá, iha loron 1 fulan-dezemburu, katak “Liurai Boot Príncipe Maha Vajiralongkorn grasiozamente simu ona konvite husi Prezidente Assembleia Nasionál Lejizlativa”, no tuir lei Susesaun Palásiu no Konstituisaun Liurai Tailândia nian, hodi troka nia asendente Nai-Ulun Boot Liurai Rama X husi Kaza Reál Chakri nian”.

Primeiru-Miistru no Governu Timor-Leste nian hato'o sira-nia parabéns ba Liurai no povu tailandéz.

Primeiru-Ministru Reinu Tailândia nian, Jenerál Prayut Chan-o-cha, esplika katak “Liurai Boot ne'e mak erdeiru hodi ukun durante tinan 44, ne'ebé hahú iha tinan 1972”. Daudaun ne'e fó ba nia“ direitu prerrogativa reál nia tomak, nu'udar hatuur ona iha Konstituisaun”. Serimónia Tara-Koroa ba Liurai sei hala'o tuir kritériu Liurai nian, maibé prevee ona katak sei hala'o iha tinan oin-mai, hafoin hala'o tiha serimónia sunu mate isin Liurai Bhumibol Adulyade nian.

Portavós Governu, Ministru Estadu Agio Pererira, hateten katak “Governu hametin fali ninia amizade ba povu Tailândia no hato'o votu ba Liurai Foun hetan susesu ne'ebé di'ak liu iha ninia ukun”.**REMATA**

